

1. Introduccion

Pa aña 2016 Departamento di Impuesto lo no otorga plachi di number nobo na momento cu paga e impuesto pa vehiculo di motor, cu excepcion di e motociclistanan cu si lo ricibi plachi nobo MFA, MFD, MFV pa nan brommer. E mesun plachinan di number di aña 2015 ta keda valido durante aña 2016. Pesey ta pidi tur automobilista pa mantene e plachinan di aña 2015 riba nan auto durante aña 2016.

Cliente cu tin un auto cu plach'i number 'A' of plachi personalisa (naamplaat) lo ricibi un sticker rondo color oranje of berde despues di paga e belasting. Cliente cu tin un auto cu plach'i number cu no ta 'A' of plachi personalisa (naamplaat) por ehempel auto cu plachi V, TX, B, TR, DT, O, T, AG, BR lo ricibi un sticker vierkant color oranje of berde despues di paga e belasting.

E sticker ta pa Cuerpo di Polis por eherce debido control riba cumplimiento di ley, esta pa yuda polis controla si e belasting ta paga.

Prome cu pega e sticker mester tene cuenta cu e siguiente reglanan:

- Ta pega e sticker riba e windshield na banda drechi, parti paden di e auto.
- Ta pega e sticker directamente riba e glas di windshield. Si tin papel di tint pega riba e windshield, mester kita e papel aki. No por pega e sticker riba e papel di tint.
- E sticker mester ta pega unda di leu e ta claramente visibel pa polis.
- Si e auto tin un sticker di keuring (di DTI) riba e windshield, e ora ta pega e sticker di control parti ariba di e sticker di keuring.
- Si e auto tin stuurwiel na banda drechi, toch mester pega e sticker na banda drechi di e windshield.
- E sticker ta uno special cu ta kibra ora cu kit'e. Pesey mester pega e sticker cuidadosamente. Si kibra e sticker, cliente por busca un otro na Departamento di Impuesto. E costo ta Afl. 30,-.

2. Sticker pa plachi'i number A of plachi personalisa

Despues di paga e belasting di e prome kwartaal, cliente lo ricibi un sticker rondo color oranje. Ora cu paga e di dos y di tres kwartaal cliente lo no ricibi sticker. Sticker oranje ta indica cu a paga e belasting di un parti di e aña.

Despues di paga e belasting di e ultimo kwartaal di aña 2016, cliente lo ricibi un sticker rondo color berde. Prome cu pega e sticker berde, mester kita esun oranje for di e windshield y pega esun berde na su luga. E sticker berde ta indica cu e belasting di aña 2016 ta ful paga.

Despues di paga e belasting di ful aña 2016 den un solo biaha, cliente lo ricibi un sticker rondo color berde. E sticker berde ta indica cu e belasting di aña 2016 ta ful paga.



3. Sticker pa otro plachi'i number

Despues di paga e belasting di e prome kwartaal, cliente lo ricibi un sticker vierkant color oranje. Ora cu paga e di dos y di tres kwartaal cliente lo no ricibi sticker. Sticker oranje ta indica cu a paga e belasting di un parti di e aña.

Despues di paga e belasting di e ultimo kwartaal di aña 2016, cliente lo ricibi un sticker vierkant color berde. Prome cu pega e sticker berde, mester kita esun oranje for di e windshield y pega esun berde na su luga. E sticker berde ta indica cu e belasting di aña 2016 ta ful paga.

Despues di paga e belasting di ful aña 2016 den un solo biaha, cliente lo ricibi un sticker vierkant color berde. E sticker berde ta indica cu e belasting di aña 2016 ta ful paga.



Impuesto pa vehiculo di motor 2016



Pa aña 2016 Departamento di Impuesto no lo otorga plachi di number nobo na momento cu paga e impuesto riba vehiculo di motor, cu excepcion di e motociclistanan cu si lo ricibi plachi nobo pa nan brommer. E mesun plachinan di number di aña 2015 ta keda valido durante aña 2016.

Den e foyeto aki bo por lesa mas tocante impuesto pa vehiculo di motor (motorrijtuigbelasting) 2016.

Departamento di Impuesto
Camacuri 2
Oranjestad, Aruba
www.impuesto.aw